

● هنقول لربنا إيه لما نقف بين إيديه ويسألنا عن لحظة لحظة مرت علينا في حياتنا وخطوة خطوة مشيناها في أي طريق في حياتنا..

هنقول لربنا إيه؟

- اللي ما بيصليش.. هيقول له إيه؟
- اللي ما بيزكيش.. هيقوله إيه؟
- اللي ربنا إداله فلوس وماحجش.. هنقول لربنا إيه؟
- اللي لها 150 صديق وصاحب وزميل.. هنقول له إيه؟
- اللي كل يوم لها ألف غيبة ونميمة
- بتضاف على جبل السيئات اللي في صحتها.. هيقوله إيه؟
- المدمن للكليبات.. هيقوله إيه؟

❖ عبدالله بن جحش مات وهو متقطع في غزوة أحد عشان يدافع عن الإسلام.

❖ وسمية ماتت مطعونة بطعنة من أبي جهل وهي مصرة وثابتة على الإسلام.

❖ أبو أيوب الأنصاري مات عند

تركيا وهو بيحاول يفتح بلاد الإسلام.

❖ وأم حرام بنت ملحان ماتت وهي شهيدة وهي بتقاتل في قبرص من أجل نشر الإسلام.

❖ مصعب بن عمير مات متقطع وهو بيدافع عن رسول الله.

❖ دول ماتوا عشان ربنا أنت مت عشان إيه؟!!!

⚡ {وَأَنَّ إِلَىٰ رَبِّكَ أَلْمُنْتَهَىٰ}

امشي يا ابن آدم في أي طريق...

امشي في طريق الطاعة.. امشي في طريق المعصية.. امشي في طريق الدعوة.. امشي في طريق الضلال.. امشي في طريق الكبائر.. امشي في طريق العبادة.

→ أي طريق هتمشي فيه آخره هتقابل ربنا!

⬢ هتقوله إيه لما تقابله في نهاية أي طريق هتمشي فيه؟!

☆ سيدنا عمر بن الخطاب معدي في السوق سمع واحد بيقرا يوم يقوم الناس لرب العالمين؛ فمرض شهرا يعود الناس!

✱ عمر بن الخطاب خايف هيقول لربنا ايه؟

أومال احنا مش خايفين ليه؟!

♦ موقف العرض على الله أروع قلوب الصالحين ♥

✦ موقف أخطر مليون مرة من موقف سؤال الملكين في القبر، أخطر مليون مرة من موقف مجئ ملك الموت

{وَالَّذِينَ يُؤْتُونَ مَا آتَوْا وَقُلُوبُهُمْ وَجَلَةٌ أَنَّهُمْ إِلَىٰ رَبِّهِمْ رَاجِعُونَ}

يعني بيتصدقوا ويصلوا ويصوموا بس من جوه قلوبهم بترتعش خايفين من العرض على الله

{يَوْمَئِذٍ تُعْرَضُونَ لَا تَخْفَىٰ مِنْكُمْ خَافِيَةٌ}

#البوسنى

#هتقوليه_ليه؟

#تدبرات_في_سورة_الحاقة

#الشيخ_حازم_شومان

#معهد_أذن_خير_د4

◀ مراحل الآخرة:

● أول مرحلة: مرحلة القبض والاقتياد، لما الناس يُقبض عليها من تحت التراب وتقتاد كلها لمكان واحد.

● المرحلة الثانية: لما يحدث قول الله {وَجَاءَ رَبُّكَ وَالْمَلَكُ صَفًّا صَفًّا}

● الموقف الثالث: عندما يُنادى على الخلائق؛ ساعتها العرق يأخذ الناس.. منهم من يأخذه العرق إلى كعبيه، أو إلى ركبتيه، أو إلى صدره فيلجمه إجمًا

⚡ العرق دا مش بتاع الشمس، دا بسبب الخوف من العرض على الله

● أول ثلاثة تسعر بهم النار: عالم وقارئ للقرآن ورجل منفق... دول كانوا متدينين إنما قلوبهم مع الدنيا

⚡ ⚡ صدمات يوم القيامة:

⚡ أول صدمة: وهو مقتاد {لَقَدْ كُنْتَ فِي غَفْلَةٍ مِّنْ هَذَا فَكَشَفْنَا عَنْكَ غِطَاءَكَ فَبَصَرُكَ الْيَوْمَ حَدِيدٌ} [ق:22]

⚡ ثاني صدمة: لما يدخل فيز العرض على الله يلاقي النار محاطاه من 3 جهات ويلاقي الملائكة واقفة صفوف منتظرة أمر الله فيه.

⚡ الصدمة الثالثة: {وَقَالَ قَرِينُهُ هَذَا مَا لَدَىٰ عَتِيدٍ} [ق:23]

قرينه مين؟!!

-صاحب السوء في المعصية من الإنس أو من الجن.

⚡ الصدمة الرابعة: لما يسمع الحكم النهائي من الملك {الْقِيَا فِي جَهَنَّمَ كُلَّ كَفَّارٍ عَنِيدٍ} {ق:24}

⚡ الصدمة الخامسة: لما يبدأوا يتجادلوا مع بعض هو والقرين كل واحد يرمي التهمة على الثاني {قَالَ لَا تَخْتَصِمُوا لَدَىٰ وَقَدْ قَدَّمْتُ إِلَيْكُم بِالْوَعِيدِ (٢٨) مَا يُبَدِّلُ الْقَوْلُ لَدَىٰ وَمَا أَنَا بِظَلَمٍ لِلْعَبِيدِ (٢٩)}

⚡ الصدمة العظمى: اللي تشق قلوبهم هما الاثنين لما ربنا ينظر إلى جهنم ويقول: {يَوْمَ نَقُولُ لِيَجْهَنَّمَ هَلِ امْتَلَأَتْ وَتَقُولُ هَلْ مِنْ مَّزِيدٍ}

❖ أنت واحد من اثنين هيخرجوا.. يا إما واحد هيخرج فرحان {فَأَمَّا مَنْ أُوتِيَ كِتَابَهُ بِيَمِينِهِ} فيقول هَؤُلَاءِ أَفْرَءُوا كِتَابِيهِ}

❖ وإما واحد هيخرج يولول ويلطم {وَأَمَّا مَنْ أُوتِيَ كِتَابَهُ بِشِمَالِهِ} فيقول يَلَيِّنَنِي لَمْ أُوتِ كِتَابِيهِ}

❖ من أحب لقاء الله أحب لقاءه ممكن يقابلك بحب، وممكن يقابلك بفرح، وممكن يقابلك بغضب..

❖ (من نوقش الحساب عذب)

يعني ربنا بيقول له هل فعلت كذا يوم كذا؟ أيوه يارب... وكذا يوم كذا؟ أيوه يارب أنا عملت كل ده

-فيقول الله سترتها عليك في الدنيا وأنا أغفرها لك اليوم .. ده كده لم يُناقش ❖

إنما لو ربنا قال له أنت عملت كذا يوم كذا؟ أيوه يارب، قال له: ليه؟ كده هيقع في النار هيقع في النار 🔥

▲ الحاقة لها معاني كثير جدًا ولكن من أخطر معانيها القاصمة اللي هتقطع الوسط..

❗ وربنا يمدّها 6 حركات في التجويد كأنك بتفتكر ال 50 ألف سنة وأنت بتقرأها، بتفتكر مشاهد القيامة المرعبة كلها

🔖 سورة الحاقة ثلث أثلاث:

🔖الثلث الأولاني: أخذ ربنا في الدنيا لأصحاب المعاصي.

🔖الثلث الثاني: (خذه) أخذ ربنا في الآخرة لأصحاب المعاصي

🔖الثلث الثالث : {وَلَوْ تَقَوَّلَ عَلَيْنَا بَعْضَ الْأَقَاوِيلِ} (44).. أخذ ربنا للي بدل وغير في دينه، أخذ ربنا للي افتري على دينه

🔖ثلاث أسماء للقيامة في سورة واحدة:

الحاقة: القاصمة اللي بتقطع الوسط.

القارعة: اللي تهد الجبل محدش يقدر ما ينهارش لما يشوفها.

الواقعة: الواقعة ده اسم من أسماء الحرب

{وَأَلْمَلِكُ عَلَىٰ أَرْجَائِهَا وَيَحْمِلُ عَرْشَ رَبِّكَ فَوْقَهُمْ يَوْمَئِذٍ ثَمَنِيَّةٌ}

-يأتي عرش الله يحمله بقدرة الله ثمانية ملائكة

- معظم الآثار اللي وردت إن اللي بيحمل عرش ربنا أربعة ملائكة، بس دلوقتي 8 ليه؟

-لأن الملائكة لما بتشوف غضب ربنا يوم القيامة من رعبها وارتجافها ما عايش أربعة يقدرُوا يشيلوا فيبقوا 8؛ الملائكة مرتجفة ومرعوبة!!

#هتقوله_إيه؟

#تدبرات_في_سورة_الحاقة

#الشيخ_حازم_شومان

#معهد_أذن_خير_د4